



gazeTi gamodis
1931 wl is 5 ianvridan

კ ლ ი ო ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი www.alion.ge

ყოველკვირეული გამოშვება
ფასი 20 თეთრი

"ქართული ოცნების" საპრეზიდენტო კანდიდატად გიორგი მარგველაშვილი დასახელდა



კოალიცია "ქართული ოცნების" საპრეზიდენტო კანდიდატად გიორგი მარგველაშვილი დასახელდა. აღნიშნული გადაწყვეტილება საქართველოს პრემიერ-მინისტრმა, ბიძინა ივანიშვილმა გუშინ გამოაცხადა. კანდიდატის დასახელებამდე, პრეზიდენტობის კანდიდატის შესახებ ივანიშვილის ბიზნესცენტრში კოალიციის პოლიტსაბჭოს კონსულტაციები გაიმართა, რის შემდეგაც კანდიდატის შესახებ გადაწყვეტილებას საპარლამენტო უმრავლესობის წევრები გაეცნენ.

საქართველოში საპრეზიდენტო არჩევნები 2013 წლის ოქტომბერში უნდა გაიმართოს. გიორგი მარგველაშვილი 1969 წლის 4 სექტემბერს დაიბადა. დაამთავრა ივ. ჯავახიშვილის სახელობის თბილისის სახელმწიფო უნივერსიტეტი - დოქტორის ხარისხი ფილოსოფიაში; მეცნიერებათა აკადემია, ფილოსოფიის ინსტიტუტი - 1993-1996 წლები.

1993-1994 წლებში სწავლობდა ცენტრალური ევროპის უნივერსიტეტში.

სამუშაო გამოცდილება:

საქართველოს საზოგადოებრივ საქმეთა ინსტიტუტი (GIPA) - 2010 - ოქტომბერი, 2012 - რექტორი;

საქართველოს საზოგადოებრივ საქმეთა ინსტიტუტი (GIPA) - 2006-2010 - კვლევითი დეპარტამენტის უფროსი;

საქართველოს საზოგადოებრივ საქმეთა ინსტიტუტი (GIPA) -2000-2006 - რექტორი;

საერთაშორისო ურთიერთობების ეროვნულ დემოკრატიული ინსტიტუტი - 1995-2000 - ადგილობრივი ხელმძღვანელობის სპეციალისტი/პროგრამის კონსულტანტი;

თბილისის დამოუკიდებელი უნივერსიტეტი - 1996-1997 - ლექტორი ფილოსოფიასა და კულტურაში - თბილისის დამოუკიდებელი უნივერსიტეტის რექტორის სპეციალური მოწვევით წაიკითხა კურსი "კულტურის აზრისა და კომუნიკაციის ისტორია"

შპს "ბიზნეს დიურები" - 1994-1995 - მარკეტინგის დეპარტამენტის უფროსი

საქართველოს კულტურის ლაბორატორია - 1993-1993 - უმცროსი სპეციალისტი

მარგინალური მდგომარეობების ფსიქოლოგიური ლაბორატორია - 1993-1993 - უმცროსი სპეციალისტი

შპს კავკასუს თრეველი - 1992-1994 - სამთო გიდი/ჯგუფის ლიდერი.

9 მაისი აღნიშნეს



მეორე მსოფლიოს დამთავრებიდან 68 წელი გავიდა. თხელდება ომის ვეტერანთა რიგები, მაგრამ მთადას საზოგადოების პატივისცემა არ კლებულობს. ოზურგეთიდან 7 ათას კაცამდე წავიდა ომში, სადაც ნახევარზე მეტი უკან არ დაბრუნებულა. დღეს ომის ვეტერანებიდან ჩვენს მუნიციპალიტეტში 58 ადამიანი შემორჩა, რომელთაგან ბევრი ვანძირთაგანის მდგომარეობის გამო ვეღარ ახერხებს გამარჯვების რის ზეიმზე მისვლას.

9 მაისს დილიდან შეიკრიბნენ ომის ვეტერანები, ოზურგეთის საზოგადოების წარმომადგენლები დიდების ობელისთან. ქართულ-ეროვნულ სამოსიან-მასალაზედგმა წყვილების გვირგვინით შეამკეს დიდების მემორიალი.

ომის ვეტერანებს მიესალმნენ: ოზურგეთის მუნიციპალიტეტის საკრებულოს თავმჯდომარე ალექსი მამუშელი, გამგებელი კოტე შარაშიძე, საქართველოს პარლამენტის მაჟორიტარი დეპუტატი ოზურგეთიდან ზვიად კვაჭანტირაძე.

პოლკოვნიკმა გივი მამალაძემ, ომის ვეტერანმა ვახტანგ ჩხარტიშვილმა ისაუბრეს მეორე მსოფლიო ომში გამარჯვების მნიშვნელობაზე, გაისინეს მნიშვნელოვანი ეპიზოდები.

შემდეგ ოზურგეთის სახელმწიფო თეატრში ომის ვეტერანების პატივსაცემად კონცერტი გაიმართა. ომის ვეტერანებს ოზურგეთის მუნიციპალიტეტმა საჩუქრად 50-50 ლარი გადასცა და ლანჩხუც მიიწვია.

განათლების მუშაკთა თავისუფალი პროფკავშირის ოზურგეთის რაიონული ორგანიზაცია ყოველწლიურად ომის მონაწილე პედაგოგებს ცალკე შეხვედრას უმართავს. ასე იყო წელსაც. ქალბატონმა როზა გოგუაძემ მათ ეს დღე მიულოცა და ფასიანი საჩუქრები გადასცა.

სოფ. ლისაურის რუსული ენისა და ლიტერატურის მასწავლებელმა სიმონ ბებურიშვილმა ასეთი ეპიზოდი გაისინა: ომის დროს კასპიის ზღვაში, ერთ-ერთ ნავიობის საბადოებით ცნობილ კუნძულს ვეცადით გერმანული თვითმფრინავების მოსალოდნელი თავდასხმისაგან. გერმანელების ერთ-ერთმა „ფოკ-კულოვმა“ მანც მოაღწია კუნძულამდე და „ბომბი“ ჩამოაგდო, მაგრამ არა ასაფეთქებელი ნივთიერებით დატენილი, არამედ პროკლამაციებით სავსე გერმანელები „გვისხნიდნენ.“ რომ თუ აქ ნამდვილ ბომბებს ჩამოყრიდნენ, ნავიობის საბადოებს 7 წელი ექნებოდა ხანძარი. „ჩვენ ნავიობი გვინდა და არა ცეცხლი!“ - წერდნენ ისინი. ჩვენმა სამხედროებმა მანც ჩამოაგდეს ის თვითმფრინავი ნახჭევანის ტერიტორიაზე...

ქალბატონმა როზამ და ომის ვეტერანებმა სოფ. კვირიკეთში ყვავილებით შეამკეს ახლანაირი გარდაცვლილი ბავშვი ლომინიშვილის საფლავი.



ვანო ჩხარტიშვილი ოზურგეთის საკათედრო ტაძრის მოხატვას ბეზმავს




ამის შესახებ ცნობილმა ბიზნესმენმა შაბათს, მის მიერ აგებულ ოზურგეთის საკათედრო ტაძარში ყოფნისას თქვა.

იგი მშობლიურ ოზურგეთში ცნობილ ხელოვნებთან და სხვა პირებთან ერთად იმყოფებოდა. (სტუმართა შორის იყო საქართველოს ექსპრემიერ მინისტრი ვაჟა ლორთქიფანიძე და ანსამბლ „ერისიონის“ ხელმძღვანელი ჯემალ ჭკუასელი)..

ვანო ჩხარტიშვილმა მამა იოსებთან (ნაკაიძე) ერთად დაათვალიერა ახლადდაგებული სამრეკლო. ადგილობრივი ხელისუფლებიდან მასთან მხოლოდ მუნიციპალიტეტის საკრებულოს ფრაქცია „ქართული ოცნების“ თავმჯდომარე ლევან ნინიძე და ეკონომიკური განვითარების, ინფრასტრუქტურისა და ურბანიზაციის კომისიის თავმჯდომარე თამაზ სალუქვაძე იმყოფებოდნენ.

ოზურგეთის მუნიციპალიტეტმა დაამატებითი ვალდებულებები აიღო

გაზეთი „ალიონი“



გურიაში წელს ბევრად მეტი სახნავი ფართობი დამუშავდება, ვიდრე ეს წინა წლებში იყო. ახალ პროექტს როგორც მოწონება, ისე პრობლემებიც ახლავს თან. იმ სოფლებში, სადაც მუნიციპალიტეტის ტერიტორიული ორგანოს წარმომადგენლებმა კეთილსინდისიერად შეადგინეს სიები, ხენა-თესვის საშუალებები უკეთ მიმდინარეობს. თუმცა ზოგან თესვის საშუალებების დაბატებით სხვადასხვა ციფრს ასახელებენ: 1000 კვ. მეტრზე დათესვა-დაფარცვის საშუალებებისათვის 20-22 ლარიც კი დაასახელებს(!) ამ და სხვა საკითხებზე გაზეთ „ალიონის“ შეკითხვებს სოფლის მეურნეობის სამინისტროს ოზურგეთის საკონსულტაციო-საინფორმაციო ცენტრის სპეციალისტმა ომარ ჩხარტიშვილმა უპასუხა:

—საქართველოს მთავრობისა და ხელისუფლების ძალისხმევით, მცირე ფერმერების ხელშეწყობის მიზნით, სახნავი ფართობების სასოფლო-სამეურნეო ბარათებით დამუშავება. ჩვენი მუნიციპალიტეტის

7 დღის ამინდის პროგნოზი

	ჭამა-ქუნილი +14+23		წვიმა +16+26		მზა, ღრუბლი +17+26		წვიმა +16+21		წვიმა +15+20		წვიმა +14+20		მზა, ღრუბლი +17+23
13 მაისი ორშაბათი	14 მაისი სამშაბათი	15 მაისი ოთხშაბათი	16 მაისი ხუთშაბათი	17 მაისი პარასკევი	18 მაისი შაბათი	19 მაისი კვირა							

ოზურგეთის მუნიციპალიტეტის დაგეგმვითი პლანის განხილვა

დაბებსა და სოფლებში წინდაწინ შედგა სიები, რომლის მეშვეობითაც ჩვენს ფერმერებს ჩამოუვიდათ ორი სახის სასოფლო-სამეურნეო ბარათი: ნომინალური და კომბინირებული.

იმ ფერმერებს, რომლებსაც 0,25 ჰექტრამდე მიწის ფართობები ჰქონდათ, მოუწიათ ნომინალური ბარათი 100 ლარის ოდენობით, რომლითაც შეძლებათ სასოფლო-სამეურნეო ინვენტარის და სხვა დანიშნულების ნივთების შეძენა სპეციალურად გამოყოფილ მაღაზიებში; 0,25 ჰა-დან 1,25 ჰექტრამდე ფართობი ვისაც ჰქონდათ — მიიღეს როგორც კომბინირებული, სახნავი ფართობის ხვნისა და გაფხვიერებისათვის, ასევე ნომინალური ბარათებიც, ხოლო 1,25-დან 5 ჰექტრამდე ვისაც ჰქონდათ — მათ მოუწიათ ნომინალური ბარათები. დღეის მდგომარეობით (ინტერვიუ 10 მაისს შედგა) მიღებულია 10082 კომბინირებული ბარათი, ხოლო 20562 — ნომინალური ბარათი. გარდა ამისა 2500 პიროვნებაზე გაგზავნილია პრობლემური სიები, რომლითაც ამ დღეებში ჩამოვა, როგორც კომბინირებული, ისე ნომინალური ბარათები.

მუნიციპალიტეტის დაბებსა და სოფლებში ხვნა-თესვის სამუშაოები დაწყებულია. გარდა შპს „მექანიზატორისა“ და ინდემწარმე „გელა გამყრელიძისა“ ქ. თბილისში კონტრაქტი დადო ჩვენი მუნიციპალიტეტის 20-მა მექანიზატორმა, რომლებსაც თავიანთ უბნებში მიეცათ უფლება სასოფლო-სამეურნეო ბარათებით ხვნა-თესვის ჩატარებისა. კიდევ ერთხელ განმარტავ კომბინირებული ბარათებით ხდება ნიადაგის მოხვნისა და გაფხვიერების სამუშაოების შესრულება. დანარჩენი ოპერაცია — თესვა და ნიადაგის მოსწორება, ამის თანხა უნდა გადაიხადოს მიწის მესაკონტროლო. საშუალო ფასი ჩვენს რეგიონში 1000 კვ. მეტრზე თესვის სამუშაოების ჩატარებისა, არის 5 ლარი და 50 თეთრი, ხოლო მოსწორების სამუშაოებისა — 6 ლარი და 50 თეთრი. თუ მაგალითად შპს „მექანიზატორის“ ტრაქტორი უნდა იქნას გადაყვანილი სხვა ადგილზე, ამას დაემატება განვლილი მანძილის ღირებულება დაახლოებით ერთი ლარის ფარგლებში. **12-13 ლარის ფარგლებში უნდა მოხდეს 1000 კვ. მეტრი საყანე ფართობის თესვისა და ფარცვის სამუშაოები. იმ შემთხვევაში, თუ ნიადაგი არ საჭიროებს ფარცვის სამუშაოს, ის გაცილებით ნაკლებ ფასში ჩატარდება.**

— ეს პროგრამა რა დამოკიდებულებაშია იმ ფერმერებთან, რომლებსაც 0,25 ჰა-ზე ნაკლები სახნავი ფართობები აქვთ?

— სახელმწიფო, კერძოდ ჩვენმა მუნიციპალიტეტმა, დააყენა საკითხი, რომ ის ფართობები, რომლებიც იყო მასივებში (0,25 ჰა-ზე ნაკლები) მაინც დაბუხვებულყოფი, რომ მექანიზატორებს ხელი არ შეშლიდათ ფართობების დაბუხვებაში და თავად მცირემიწიანი ფერმერებიც არ დაზარალებულიყვნენ. ეს თხოვნა დააკმაყოფილა სოფლის მეურნეობის სამინისტრომ და სოფლის პროექტების მართვის სააგენტომ და იმ ფართობებში, რომლებიც მასივებში მდებარეობს, დამატებით იქნება ხვნისა და გაფხვიერების სამუშაოები შესრულებული.

— იქ, სადაც კომბინირებული ბარათი მიწის მესაკონტროლსთან არ მივიდა იმ სახით, რა ფართობითაც იყო იგი სიაში შესული, ამ შემთხვევაში მას არ უნდა მიეღო კომბინირებული ბარათი, დაბრუნდებოდა უკან და ჩასწორებული სახით მიიღებინა. მაგრამ ბევრ შემთხვევაში ხდება ასე, რომ იღებენ კომბინირებულ ბარათს და გარკვეული დროის შემდეგ მოაქვთ ჩვენთან. ეს უკვე პრობლემას ქმნის. დებულებაში ისიცაა შეტანილი, რომ თუ ფერმერს კომბინირებული ბარათის მიღებისას, მიწა უკვე დაბუხვებული ჰქონდა, შეუძლია ბარათის უკან დაბრუნება და შესაბამისი ნომინალური ბარათის მიღება.

— შპს „მექანიზატორის“ და სხვა ინდემწარმეების ტრაქტორების რაოდენობა საკმარისია იმისათვის, რომ აგროვადებში დასრულდეს ხვნა-თესვის სამუშაოები?

— ჩვენს ზონაში ხვნა-თესვის სამუშაოებისათვის ოპტიმალური ვადა არის 1 ივნისამდე. მაგრამ ამინდის ჭირვეულობის გამო ვერ ხდება ამ ვადების დაცვა. წელს აგროვადებს გადაწვევა გამოიწვია იმან, რომ ბარათები არ ჩამოვიდა დროზე. ამს დაემთხვა უამინდობა. ახლა გვაკლებს დაიწყო და ხვნის სამუშაოები კი მიდის, მაგრამ განულებულია გაფხვიერების სამუშაოები. ეს კი იწვევს პრობლემას როგორც ფერმერებისთვის, ისე მექანიზატორებისათვის. ამ უკანასკნელებს კონტრაქტებში შესასრულებელ სამუშაოებზე კონტრაქტები აქვთ მითითებული. თუ საკონტრაქტო ვადებში არ ჩატევიან, მოუწევთ ქ. თბილისში ახალი კონტრაქტების გაფორმება. არსებული ტექნიკა — 70 ერთეული ტრაქტორით შესაბამისი ამინდის შემთხვევაში შეძლებს ხვნა-თესვის სამუშაოების დროულად დასრულებას.

— მუნიციპალიტეტის რომელ სოფლებში მიდის უკეთ ხვნა-თესვის სამუშაოები?

— ამ მხრივ კარგი მდგომარეობაა სოფლებში ძიძითი, შრომა, სილაური. ასევე დამაკმაყოფილებლად მიდის სამუშაოები სოფ. ჯუმათში... იქ სადაც შედის შპს „მექანიზატორის“ და სხვა ამხანაგობები, ისინი აქ მათ ხელთ არსებულ ყველა ტრაქტორს ამუშავებენ და ბუნებრივია, სამუშაოები უფრო სწრაფად სრულდება. ზოგჯერ ფერმერი, რომელსაც კომბინირებული ბარათი გააჩნია, თავად ცდილობს მონახოს შესაფერისი ტექნიკა — ასეთ წინააღმდეგობასაც ვაწყდებით. პრობლემაა სოფ. მთისპირში, სადაც სახნავი ფართობები ძირითადად ზევნებზეა და კონტრაქტით მხოლოდ ერთი „დტ“ ტრაქტორი მუშაობს.

— როგორ მიმდინარეობს ნომინალური ბარათებით სასოფლო-სამეურნეო ინვენტარის, მინერალური სასუქების და ა.შ. შექენის პროცესი?

— თავიდან 8 მაღაზია იყო დარეგისტრირებული. ამჟამად 6 მაღაზია მუშაობს. შემოზიდულია როგორც აზოტოვანი, ისე კომბინირებული სასუქები. ფასები მინერალურ სასუქებზე და ინვენტარზე სტაბილურია.

— ვინაა პასუხისმგებელი ამ პროექტის განხორციელებაზე?

— უშუალო პასუხისმგებელი სოფლის მეურნეობის პროექტების მართვის სააგენტოა. ხოლო ჩვენ სოფლის მეურნეობის სამინისტროს ოზურგეთის საკონსულტაციო-საინფორმაციო ცენტრის 5 თანამშრომელი, ისევე როგორც მუნიციპალიტეტი, ჩართული ვართ ამ პროცესში.

დისკუსია ახალი საკანონმდებლო ინიციატივის შესახებ

ნოზურგეთის დემოკრატიული ჩართულობის ცენტრის



ორგანიზებით დისკუსია გაიმართა ახალ საკანონმდებლო ინიციატივაზე საქართველოს შრომის კანონმდებლობასთან დაკავშირებით. შეხვედრის მიზანს წარმოადგენდა საქართველოს შრომის კანონში არსებული ნორმების, ხარვეზების, პრაქტიკისა და ახალი ინიციატივების განხილვა. დისკუსიაში მონაწილეობდნენ საქართველოს პროფესიული კავშირის გაერთიანების თავმჯდომარე ირაკლი პეტრიაშვილი და „საერთაშორისო გამჭვირვალობა საქართველოს“ ანალიტიკოსი გივი ჩიხლაძე.

2006 წლიდან საქართველოში შრომითი ურთიერთობების მოწესრიგება მოქმედი შრომის კოდექსით მიმდინარეობს, ხოლო მასში გაუთვალისწინებელი ურთიერთობების რეგულირება სამოქალაქო კოდექსის

ნორმებით ხორციელდება.

ირაკლი პეტრიაშვილმა აღნიშნა, რომ არაბი ინვესტორის ფაქტი ასლის და სხვა ლობისტური კომპანიების საქმიანობას უკავშირდებოდა შრომის კოდექსში შეტანილი ცვლილებები, რითაც 2006 წლიდან ბიზნესმენებს მოეხსნათ პასუხისმგებლობა, რომ შრომა იყოს უსაფრთხო. 2010-11 წლებისთვის 180 პროცენტით გაიზარდა უბედური შემთხვევების რიცხვი.

საქართველოს შრომის კოდექსში არსებულმა ხარვეზებმა განსაკუთრებით მწვავედ იჩინა თავი არჩევნების შემდეგ, როდესაც ნებაყოფლობით თუ კონტრაქტის ვადაზე ადრე შეწყვეტის საფუძველზე გახშირდა დასაქმებულთა დათხოვნა საჯარო თუ კერძო სტრუქტურებიდან.

2012 წლის ნოემბერში პარლამენტის ჯანმრთელობის დაცვისა და სოციალურ საკითხთა კომიტეტის მიერ შემუშავდა საკანონმდებლო ინიციატივა „საქართველოს შრომის კოდექსში“ ცვლილებების შეტანის თაობაზე, ხოლო იუსტიციის სამინისტრომ მოამზადა კანონპროექტი, რის საფუძველზეც დადგინდა ახალი რეგულაციები, ახალი დებულებები და ნორმები.

შეხვედრაზე განხილული იქნა როგორც ყველაღნიშნული ახალი სამთავრობო ინიციატივა, ასევე არასამთავრობო ორგანიზაციების მიერ მიღებული რეკომენდაციები დასაქმებულთა დამსაქმებელს შორის არსებული დისბალანსის აღმოფხვრის შესახებ საქართველოს გაერთიანებული პროფკავშირის როლი შრომითი ხელშეკრულებების მხარეთათვის სამართლიანი და თანაბარი უფლებების უზრუნველყოფის საქმეში.

სოფლის მეურნეობის ბარათების მიმართ ხალხის უპაყოფილება იზრდება

ნია იაშვილი

სოფლის მეურნეობის ბარათების დარიგების შედეგად მოსახლეობის განწყობა სხვადასხვაგვარია. საუბრობენ იმაზე, რომ ე.წ. ვაუჩერები ჩუმად იყიდება ღირებულების ნახევარ ფასად. ზოგი არ ჰყვით, მაგრამ მათთვის საჭირო ინვენტარი თუ სასუქი ერთსა და იმავე მაღაზიაში სრულყოფილად წარმოადგენილი არ არის და ამ დროისთვის ფასებიც მომატებულია. მოსახლეობის ნაწილს ბარათები მათი მიწების შესატყვისად არ დარიგებია. საუბრობენ ხელწერების გაყალბების შემთხვევებზეც.

ნაზი ნიკოლაიშვილი (სოფ. მთისპირის მცხოვრები): — როცა გასული წლის შემოდგომაზე ჩამოიარეს, (სოფლის რწმუნებული, მოადგილე, მდივანი) ჩავაწერინე 4 000 კვ. მ საყანე მიწის ფართობი, 6 000 მ. ხილის და თხილის ბაღი და საბოსტნე.

მინდა აქვე აღვნიშნო, რომ არჩვენებამდე ადგილზე მაგი-წრობდნენ. რწმუნებულის მოადგილე გენადი ზურგალიძემ ჩემს მეზობლებს წინასწარჩვენოდ ჩემთან ურთიერთობა აუკრძალა. (ამის შესახებ კიდევ დაიწერა გაზეთ „ალიონში“). ჩაწერილი ვიყავი ე.წ. „მაგ“ სიაში.

დაგვიანებით მოვიდა 100 ლარის ღირებულების ბარათი. რომლის აღებაზე უარი ვთქვი. როცა პასუხი მოვთხოვე,

მუნიციპალიტეტის ტერიტორიული ორგანოს მდივანი ანა ინწკირველი შემეპასუხა, შენ თავად ჩავაწერინე ასე. თუმცა იმ ფაქტს ჩემი მეზობლები ესწრებოდნენ და როცა დაუდასტურეს ჩემი ნათქვამი, ასე მიმართა მათ, თქვენ მეზობლები ხართ და ერთმანეთს მხარს უჭერთ?! შეიძლება ვინმემ თქვას, საჩუქრის მიმართ ასეთი დამოკიდებულება უამართლობაა. მაგრამ ვთვლი, რომ ასეთი დამოკიდებულება უსამართლობა უფროა და ყველა გაურკვევლობა მიზანმიმართულად გაკეთდა ხალხის გასაღიზიანებლად. ბარათები არ დარიგებულა მიწის ნაკვეთების რაოდენობისა და დანიშნულების მიხედვით, და იგი შერჩევით გაანაწილეს. მათი ღირებულება არანაირ სტანდარტში არ ვდება. მცირემიწიან ოჯახების ნაწილს მეტი ღირებულება ერგოთ. ქალაქში მცხოვრებთა ნაწილი ბარათების სიაში აღმოჩნდა, ნაწილი არა. ასეთი ოჯახები მარტო ჩვენს სოფელში რამდენიმეა. ასევეა სხვაგან. ლოდინში დავიანდა ფართობების დათესვაც, რაც ჩვენს მდგომარეობას უფრო გაართულებს.

როცა ხალხი ელოდებოდა მართლაცაა შედეგიან ცვლილებებს, როცა ამაღნი ფული იხარჯება სოფლის მეურნეობაში, კარგი იქნებოდა ხალხს მისი შედეგი უკეთ ეგრძნო.

ოზურგეთის ქალთა კლუბის შესვენებაზე

ნინო ნიკოლაიშვილი



ლექსაშვილი; ოზურგეთის საკრებულოს დეპუტატი ირინა საჯაია. შეხვედრაზე კიდევ ერთხელ ისაუბრეს ოზურგეთის „ჭადრების ბაღში“ საამშენებლო მასალით ამოვსებული ფანტანის გასუფთავების შესახებ, რასაც ამჟამად ძველი ყორღანი შეარქვეს ოზურგეთლებმა და რის გამოც არაერთი ადამიანი გამოთქვამს წუხილს: — ფანტანი, სადაც ბავშვები ცხელი ზაფხულის პერიოდში გრილდებოდნენ, დღეს გრძელ საფლავს დაამსგავსეს და ამ ბაღის სიმახინჯეს წარმოადგენს.

გარდა ამისა, ასევე მოსახლეობის თხოვნით, ქალაქის რამდენიმე, ხალხმრავალ ადგილზე სასმელი წყლის სოკოების დადგმაც ისაუბრეს.

დეპუტატ ირინა საჯაიას თქმით, მსგავსი საკითხების მოგვარებისთვის შესაბამის უწყებას უნდა მიმართონ.

სტუმრად მოწვეულმა ჟურნალისტმა გიორგი სირაძემ მედიაკომუნიკაციის მნიშვნელობაზე ისაუბრა.

8 მაისს ოზურგეთის დემოკრატიული ჩართულობის ცენტრში კულტურულ-კომანტარული ფონდ „სოხუმის“ ოზურგეთის ქალთა კლუბის შეხვედრა გაიმართა. შეხვედრას ესწრებოდნენ ქუთაისიდან ემა კანკია, მანანა

პასქის ფესტივალი-2013

მარი კომოვიძე



ვაფარით, ოზურგეთის მორე საჯარო სკოლის დირექტორი. სათუნა ლომიძე, რესტორან „გურიას“ დირექტორი. ნინო გოგეშვილი – გაბრიელ ებსკოპოსის სახელობის სამრევლო სკოლის დირექტორი. თამუნა ლომთათიძე – ოზურგეთის მუნიციპალიტეტის გამგეობის თანამშრომელი. თამაზ დარჩია – მხატვარი. დედა მარიაში, ერკეთის დედათა მონასტერი.

ფესტივალის სტუმრებმა ფარული კენჭისყრით ხალხის რჩეული გამოავლინეს, რომელიც №1 საჯარო სკოლა გახდა.

სპეციალური პრიზი დააწესა ოზურგეთის მაჟორიტარმა დეპუტატმა, ზვიად კვაჭანტირაძემ, რომელიც ნამცხვრის სახლ „ტირამისუს“ ერგო.

ფესტივალი საქველმოქმედო ხასიათს ატარებდა, შერეოვით შემოწირულობები შეჭირვებულ ოჯახებს და შეზღუდული შესაძლებლობების მქონე პირთა სარეაბილიტაციო ცენტრს გადაეცა.

ფესტივალის მიზანი კულინარ-დიზაინერთა გამოვლენა და ქველმოქმედება იყო.

ფესტივალს ადგილობრივი ხელისუფლების წარმომადგენლები ესწრებოდნენ.

ფესტივალი მუფე იოსების ლოცვა-კურთხევით, მუნიციპალიტეტის მხარდაჭერითა და ღია კილადის ორგანიზატორობით ჩატარდა.

8 მაისს, ოზურგეთში, ჭადრების ბაღში გურიის პასქის ფესტივალს უმსახვილა. წლებიდან, რიგით მესამე ფესტივალი იყო, რომელშიც ოზურგეთელებთან ერთად, ჩოხატაურის წარმომადგენლებიც იღებდნენ მონაწილეობას. წინა წლებისგან განსხვავებით წარმოდგენილი არ იყო ლაშჩხუთი.

„პასქის ფესტივალი“ – 2013 -ის პრიზიორები გახდნენ:


მაია დოლიძე – ნოვატორული კომპოზიცია, №1 სკოლა

– რელიგიური კომპოზიცია, №2 სკოლა – ორიგინალური კომპოზიცია, წმინდათა სახელობის სამრევლო სკოლა - ცეცხლზე საინტერესო მხატვრული ხელოვნება, სოფ. ჯუმათის საჯარო სკოლა - ფურის სიმბათია, სოსო / გალინა წიტიანი – ცეცხლზე შემოქმედებითი ოჯახი.

ერკეთის დედათა მონასტერი – ცეცხლზე ტრადიციული კომპოზიცია, თეატრი – ცეცხლზე გემრიელი პასქა.

გურიის რეგიონის ინვალიდთა ასოციაცია – ფურის სიმბათია, ნამცხვრის სახლი „ტირამისუს“ – საუკეთესო დიზაინი, „მოდერნი-2009“ – გეგანტური პასქა, ლილი ტაბიძე – ფესტივალის აღმონწელი, კოლეჯი „პრიზონტი“ – ნორჩი კულინარ-დიზაინერი, ირმა ჩხარტიშვილი – ფურის სიმბათია.

ფურის თავმჯდომარე ოზურგეთის საკათედრო ტაძრის წინამძღვარი მამა ვასილი იყო. ფურის წვერები იყვნენ სოფო გოლიაძე – კვების ტექნოლოგი, „მოდერნი“. მარინა



ოზურგეთში საზოგადოება „სანთელი“ შეიქმნა


ნიკო ნიკოლაიშვილი

იდეა ერთი თვის წინ 9 აპრილს დაიბადა. ეს დღე მტკივნეულ შტრიხად გასდევს თითოეული ადამიანის გულს, რომლისთვისაც სულერთი არ არის მამული თავისი წარსულით, აწმყოთი თუ მერმისით. სწორედ იმ დღეს, ოზურგეთის სამხატვრო გალერეაში გამოფენაზე შეკრებულმა საზოგადოებამ სასულიერო პირებთან ერთად ის აუბედითი დღე გაიხსენა. წარსულის გასწავლას აწმყოზე დაფიქრება მოჰყვა და ფიქრში აკიაფდა სანთელი. ისაუბრეს, ოზურგეთში არაპოლიტიკური საზოგადოება „სანთელი“ შექმნილიყო. მერე ფიქრები რეალობად იქცა და 10 მაისს კვლავ სამხატვრო გალერეაში საზოგადოების ერთი ნაწილი შეიკრიბა. ავთანდილ თავართქილაძემ და ლევან მჭავანაძემ დებულების შინაარსსა და საორგანიზაციო საკითხებზე ისაუბრეს. საზოგადოება დაფუძნდა, დასახელება გახეობის წვერები.

საზოგადოების მიზანი: ქართველი ერის რეალური ფასეულობების, ღირებულებების პოპულარიზაცია, შენარჩუნება და განვითარება.

„სანთელი“ თავის საქმიანობას წარმართავს შემდეგი მიმართულებით:

საგანმანათლებლო კონკურსების და კონფერენციების



ორგანიზება „ჩვენი დროის ზნეობრივი მაგალითი“, საქველმოქმედო აქციის მოწყობა; დიალოგების გამართვა ეროვნული და ზნეობრივი პრობლემების ირგვლივ; საზოგადოებისათვის პერიოდული გამოცემის დაარსება.

რომაული აბანოების ნაშთებს გადასურავენ

ამის შესახებ კულტურული მემკვიდრეობის ეროვნული სააგენტოს ექვთიმე თაყაიშვილის სახელობის გურიის მხარის არქეოლოგიურ მუზეუმ-ნაკრძალის მმართველმა დავით ზურციძემ გვითხრა.


ზურციძის თქმით, სააგენტომ თავდაპირველად კონკურსი გამოაცხადა ოზურგეთში რომაული აბანოების გადასურვის პროექტის შესადგენად, რაზედაც 20 ათასი ლარია გამოყოფილი. უკვე გამოვლენილია გამარჯვებული. პროექტის შედგენის შემდეგ ახალი კონკურსი გამოცხადდება.

რაც შეეხება არქეოლოგიური გათხრების გაგრძელებას, ამ ეტაპზე სააგენტო რომაული აბანოების გამოსაკვლეველად გათხრების გაგრძელებას არ გეგმავს.



ბიორგი კეჭაყმაძე – 75

75 წლისა შესრულდა ცნობილი ქართველი მწერალი და საზოგადო მოღვაწე გიორგი ივანეს ძე კეჭაყმაძე. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:



ბატონო გიორგი!

საქართველოს მწერალთა კავშირი, თქვენი მეგობარი ქართველი მწერლები უღრმესი პატივისცემით მოგესალმებიან დიდებულ მწერალს და მამულიშვილს და გილოცავენ ღირსესანიშნავ თარიღს თქვენს ცხოვრებაში – დაბადების 75 წლისთავს.

ნახევარი საუკუნე გასულა მას შემდეგ, რაც 1959 წელს ჟურნალ „ცისკარში“ გამოქვეყნდა თქვენი პირველი მოთხრობა „ცისფერყდიანი რეველი“, რომელმაც მკითხველთა ყურადღება მიიპყრო და მოწონება დაიმსახურა. მას შემდეგ თქვენი ნაწარმოებები – რომანები, მოთხრობები, პიესები, ინსცენირებები პერიოდულად ქვეყნდება ჩვენს ლიტერატურულ ჟურნალ-გაზეთებში, გამოდის ცალკე წიგნებად, იდგმება თეატრების სცენაზე.

თქვენი რომანებისა და მოთხრობების კრებულები „მეთორმეტე ზარი“, „ჩემი პატარა ლანდი“, „გზა თავსა წინა“, „კარავი ღრუბლებზე“, „ვარდი და ეკალი“, „ჩვენს კაპიტანს გაუმარჯოს“, „ჩვენ ვეძებთ ბათოს“, „სამაგიერო“ გულთბილად მიიღო ქართველმა მკითხველმა და სალიტერატურო კრიტიკამ. ამ ნაწარმოებებში ხომ მწერლური დამაჯერებლობით, მხატვრული სიმართლით დაგვიხატეთ ქართველი ახალგაზრდობის ყოველდღიური ყოფა, მათ წინაშე მდგარი ურთულესი პრობლემები, მათი ოცნებები და მისწრაფებანი, დაგვიხატეთ ქართული სოფელი, მისი შუქ-ჩრდილები, ბრძოლა ქართული სულიერებისა და ტრადიციების გადასარჩენად. თქვენი ნაწარმოებები რომ ჭეშმარიტი მწერლის კალამს ეკუთვნის იმითაც დასტურდება, რომ თქვენი რომანი „ჩემი პატარა ლანდი“ ითარგმნა გერმანულად და გერმანულმა გამოცემლობამ „ნოსიე ლებენმა“ ზედხედ ორჯერ (1974, 1975 წლები) გამოსცა ცალკე წიგნად. თქვენი ნაწარმოებები ითარგმნა აგრეთვე რუსულ და უკრაინულ ენებზე და ცალკე წიგნად გამოიცა.

დრამატურგიაშიც სცადეთ ბედი და აქაც წარმატებებს მიაღწიეთ. თქვენი პიესები „თანამგზავრი“, „ოქროს ნალი“, „რად არ მცემდიან“, „პარტახი“ და სხვა ჩვენი ქვეყნის არაერთ თეატრში დაიდგა.

ბატონო გიორგი!

გვიყვარხართ იმიტომაც, რომ თქვენ, ნიჭიერმა შემოქმედმა, რომელსაც სულ ადვილად შეეძლო კარიერის გაკეთება დედაქალაქში, არ უღალატეთ ადგილის დედას და დღემდე მშობლიურ კუთხეში – გურიაში სულიერების აღორძინებას ემსახურებით...

ვცდით ისიც, რომ ბოლო ორი ათეული წელი მონადიმეთ მრავალპლანიანი რომანის შექმნას, რომელიც ქართველი კაცის სულიერი პორტრეტის შექმნის მცდელობაა კატაკლიზმებით სავსე ჩვენი ყოფის ფონზე. ველოდებით ამ რომანის გამოქვეყნებას და დარწმუნებული ვართ, რომ იგი სულ მალე იხილვს დღის სინათლეს.

მეორეგვასო გიორგი!

კიდევ ერთხელ გულითადად გილოცავთ საიუბილეო თარიღს საქართველოს ერთგულ მეციხოვნეს, დიდხანს სიცოცხლეს, ჯანმრთელობას და თქვენი სანუკვარი რაიონისადმი მარადიულ ერთგულებას გისურვებთ.


საქართველოს მწერალთა კავშირი.

გაზეთ „ალიონის“ რედაქცია უერთდება საქართველოს მწერალთა კავშირის მილოცვას და ულოცავს მწერალს, საქართველოს მწერალთა კავშირის გურიის რეგიონული ორგანიზაციის პირველ თავმჯდომარეს, სრულიად საქართველოს რუსთაველის საზოგადოების ოზურგეთის ორგანიზაციის ასევე პირველ თავმჯდომარეს, ბ-ნ გიორგი კეჭაყმაძეს დაბადებიდან 75 წლისთავს და უსურვებს დიდხანს სიცოცხლეს, ჯანმრთელობას და წარმატებებს

განცხადება
სააქციო საზოგადოება „იმედი“-ს
აქციონერთა საყურადღებოდ!
 2013 წლის 24 მაისს, დღის 16 საათზე, მოწვეულია სააქციო საზოგადოება „იმედი“-ს აქციონერთა კრება.
დღის წესრიგი:
 1. გასული 2012 წლის სამეურნეო და ეკონომიკური შედეგების განხილვა და 2013 წლის პირველი კვარტლის შედეგები;
 2. ორგანიზაციული საკითხები.
 აქციონერთა დასწრება სავალდებულოა.
სააქციო საზოგადოების დირექცია და სამმართველო საბჭო.



გუგლში 5 თვის წინ ტრაგიკულად დაღუპულ გეულს ამირან ანთიძეს



ვეცადე, რადგან შენი ღირსებები შორიდან მომზი-
რალი თვალითვის არც თუ ისე ადვილად შესაძინევი
იყო. შენ ზომ რაღაც თავისებურს, მოკრძალებულს,
კაცური ღირსებით სავსე ჯადოსნურ გასაღებს
ფლობდი, რომელიც ასე ნელი ნაბიჯით, ბევრი
ფიქრისა და განსჯის შემდეგ კაცური ნიჭიერებით
მოარგე ჩემს სულს და მომეცი საშუალება შემეცანი
ისეთი, როგორც ღირსიც შენ იყავი ჩემო სპეტაკო,
მზრუნველო და ნიჭიერი ადამიანი. ყველა შენი
ნაცნობ-მეგობრები ჩემს მიერ შენდამი ნაწუქარ
სიტყვების სიწრფელეში თავადაც დამეთანხმებან:

**რომ შენ იყავი მეგობარი –
გამრჯე, ჭკვიანი,
თავდადებული, ზნე-კეთილი, თავაზიანი,
ყოველდღიური შენი ქმედებით მე ვრწმუნდებოდი,
რომ გვერდით მყავდა ჭეშმარიტი ადამიანი.
მე თუ გაჩუქე თავი არსებით,
დაიშასურე სრულიად, სავსებით!
მინდა ყველა შენს ღირსებას
სიყვარულის ფარდა ავსუნა,
დღესასწაულს მოგილოცავ,
ჭეშმარიტად, ქრისტე აღსდგას...
გეულზე ხათუნა პერიძე.**

ჩვენი თანაცხოვრების 5 წელი ჰგავდა თავლს,
რომელსაც ფუტკრის ფრთებით ვეზიდებოდით და
სანთელივით წმინდად, უანგაროდ ვუნაწილებდით
ერთმანეთს სიყვარულის წყალობით. შენი ხიბლი
შენს უბრალოებასა და უმანკო სულში იყო. შენი
ღირსება – მდინარეს ჰგავდა, რაც უფრო ღრმა,
ნაკლებს რომ ხმაურებს. შენი სულიერი სამყარო
იმდენად მდიდარი და ღრმა იყო, რამდენიც ვეცადე
სიტყვათა კონით ნაწილობრივ მაინც რომ ამოემქრო,
მით მეტად შეივსო და მისი ფურცელზე გადმოტანა
ნამდვილად წვეთის ტოლფასი გახდა, მაგრამ მაინც

განცხადება

სს „საქართველოს ბანკი“ აცხადებს ვაკან-
სიებს ოფისურულ ადმინისტრატორის და
მოლარე-ოპერატორის თანამდებობებზე.
ვაკანსიის დეტალური აღწერა გთხოვთ
ინტერნეტ ვებგვერდზე: jobs.bog.ge
დაინტერესებულ კანდიდატებს, გთხოვთ
გამოგვიგზავნოთ თქვენი რეზიუმე (CV) ელ.
ფოსტის მისამართზე: regionjob@bog.ge ან
დატოვოთ შეტყობინება მისამართზე:
ოფისურულ, გურიის ქ. №18. 2013 წლის 13 მაი-
სის ჩათვლით. გისურვებთ წარმატებას! დ

რეზიუმე ღლონტი

მონატრებულო, ჩვენი ოჯახების
დიდო ტკივილო, ჩვენო რეზიუმე,
ძალიან გვენატრები. სულ შენს ხსე-
ნებაში გვიოთხდება და გვიღამდება.
რატომ დაუკარგე ჩვენს ცხოვრებას
სილამაზე, შენ ზომ ჩვენი ერთადერთი
ძმის გვარის გამგებელი, რეზიუმე
ღლონტი იყავი. ეს სახელი და გვა-
რი ჩვენთვის ბევრის მთქმელია.
გვინდოდა რომ ჩვენი მამის სახ-
ელისა და გვარის გამგებელი
ყოფილიყავი, რომ ჩვენს ოჯახს შე-
ნით ბედნიერება მოეტანა, მაგრამ ამა-
ოდ.



ბის ხალისი დაგვიკარგე.
თვალცრემლიანები გისწავებო ჩვენო
მამიღულა. სანამდე ვიცხოვრებთ ამ
ქვეყანაზე, შენ იქნები ჩვენი დიდი
ტკივილი და მოუშუშებელი ჭრი-
ლობა, რომლის მორჩენა მხოლოდ
შენ შეგიძლია, ჩვენო მამიღულა,
ჩვენო ვაჟკაცი.

22 აპრილი თავზარდამცემი აღმ-
ოჩნდა ჩვენთვის. გამოაკლდი ქალ-
აქს, სოფელს, ოჯახს და ყველა შენს
მეგობარს, ჩვენო მოუსვენარო, ჩვენო
სიყვარულო და სიხარულო, ჩვენო
სიამავე! ჩვენ გვეამაყება, რომ გვეყ-
და ასეთი ძმისშვილი, სიცოცხლით
სავსე, კეთილი და რაც მთავარია,
ვაჟკაცი კაცი.


ღმერთმა ნათელში ამყოფოს შენი
ლამაზი სული.

შანი მაიღობი.

გული წავგართვი და ცხოვრე-
მენტრები, ჰკვირს ჩემში, ისევე შენი მონატრება,
მენტრები! და სიშორეს მწარე სევდა ემატება,
მენტრები! რა ვქნა, თუკი უშენობა ცრემლებს ბადებს
მენტრები! მინდა გითხრა, ვეღარ უძლებს გული ამდენს.
მენტრები! სულ გახსოვდეს, უსაზღვრო ჩემი სევდა,
მენტრები! მაგრამ ტირილს ჩუმად ვებედავ.
მენტრები! რა ვქნა, თუკი უშენობას ვეღარ ვუძლებ
მენტრები! სევდიანი. კვლავ გავეყურებ დედაბუს შუკებს...
შენს ლოდინში ცრემლიანი კვლავ ავივლი ნაცნობ აღმართს!
შენზე ფიქრში უშენობის კიდევ ბევრი ღამე გავა,
შენზე ფიქრში სწრაფად გადის მარტოობის მწარე წლები,
მაგრამ რა ვქნა, მე თუ მაინც, ძლიერ, ძლიერ მენტრები.

დათო ცხომელიძე

სტუმრად მოხვედი ამქვეყნად,
ხალისით, სიყვარულითა,
ეს რა ილბალი გვექონია,
ბედმა რომ ერთად შეგვყარა,
სხვისი შეილება ჩემად ქნა,
ჩემი ზომ მუდამ ჩემია,
ზოგის ცხოვრება მწარდება,
ასეა ბედის განგება...



ოჯახს, ისე მეგობრებს და უზომოდ
ენატრები შენს შეილს.

10 მაისს 5 წელი გახდება მას
შემდეგ, შენ რომ დაგვტოვე და გად-
ახვედი სასუფეველში. რამდენი აუხ-
დენელი ოცნება დაგრჩა 29 წლის
ბიჭს, ასე ადრე თუ წავიყვანდა განჩ-
ენი, რატომ შეგვახვედრა ღმერთმა
ერთმანეთს.

ღმერთმა ნათელში გამყოფოს,
ჩვენს გულებში საშუალო ტკივილი
და ცრემლი დატოვე.

შანი ოჯახი.

ნასაკირალის საჯარო სკოლის დირექცია და პედაგოგიური კოლე-
ქტივი თანაუგრძნობს თინა და აბესალომ დვალაძეებს უსაყვარლესი
დედის **ლიდა ჩხარტიშვილი-დვალაძის** გარდაცვალების გამო.

კულოცაჟი!

ქნ ნათელა ცეცხლად-მიქაშავიძეს
დაბადების დღეს გილოცავ, გისუხე-
ბთ ბედნიერებას შენს ოჯახთან და
ღამაზე შეიძინებთან ერთად.
წელი ლაბაზაშვილი, თეა, ლაშა
ცხომელიძეები

კულოცაჟი!

ანედა ჯიხუციას
დაბადების დღეს გილოცავთ.
დაეხნაჰი მხავდს შენს ახ-
ობლებთან და ოჯახთან ერთად.
წელი ლაბაზაშვილი, თეა,
ლაშა ცხომელიძეები

ოინბაგება სისარული მოგვანიჭეს

ოზურეთის აღ. წუწუნავს სახელობის სახელმწიფო
თეატრი ხშირად გვიწვევს წარმოდგენებზე. ამჟამად „ოინბაგება“
თავიანთი მხარული ოინები გვაჩვენებს და ძალიანაც გვასიამოვნებს.
სპექტაკლში 4 მსახიობი ვახტანგ ჩხარტიშვილი, გიორგი დოლიძე,
ქეთი ცეცხლაძე და თეა კეჭაყაძე მონაწილეობდნენ.

ძალიან გვიხარია, რომ ვახტანგ ჩხარტიშვილი, რომლის
თამაშს განსაკუთრებით მოგვნიბდა, ჩვენი სკოლის კურსდამთ-
ავრებულია.

წარმოდგენის შემდეგ მსახიობებთან სამსსოვრო სურთები
გადავიღეთ.

უღრმეს მადლობას ვუხდით თეატრის ადმინისტრაციასა და
მსახიობებს ამ ღამაზე დღისთვის.

სსიპ ოზურეთის №1 საჯარო სკოლის მოსწავლეები
ირაკლი ქეთარაძე, ცოტნე მურცხვალაძე, გიორგი ჭანსაკია



ველოტური ღვაგზუში

წინო ნიკოლაიშვილი



12 მაისს დედაბუს თემში ველოტური გაიმართა.
ასპარეზობაში 10 და 15 წლამდე გოგონები და ვაჟები მონ-
აწილეობდნენ დედაბუსთან, გადმა დედაბუსთან, ცხემლისხიდი-
დან, ბასვიდან. ტური მიედგნა ერთი წლის წინ ტრაგიკუ-
ლად დაღუპული დედაბუსის ასალგაზრდის რეზო
ღლონტის ხსოვნას. ორგანიზატორი ვახტანგ სოფ.
დედაბუს ასალგაზრდული ორგანიზაცია „ღამაზარი“
(ხელმძღვანელი მათა ქიანაშვილი). მხარდამჭერი
„არასამთავრობო ორგანიზაცია „ქალები რეგიონის
განვითარებისათვის“ (ხელმძღვანელი ქეთევან ხიდაშელი)
ღონისძიება განხორციელდა პროექტით „ფოლკლორული
სოფლის განვითარებისათვის“.

ასპარეზობა კარგად ორგანიზებული იყო. მონაწილეთა

უსაფრთხოებას იცავდა ოზურეთის პოლიციის
თანამშრომლები. ადგილზევე იმყოფებოდა სასწრაფო
დახმარების ბრიგადა.

30-მდე მონაწილე და მათი გულშემატკვრები
წვიმიანი დასაწყისის მოუხედავად ინტერესით მოელოდ-
ნენ ასპარეზობის დაწყებას. ვაჟებმა 3 კმ-ზე მეტი
მანძილი გაგლა, გოგონებმა კი 2 კმ მანძილი გაგლა
შესძლეს. I, II, III ადგილი ასე განაწილდა. ვაჟები I ად-
გილი ლევან ახალაძე; II – დათო საამაშვილი; III – ბექა
ახალაძე; გოგონები I – ირმა დოლიძე; II – ლინდა
ვაშლიძე; III – მარიამ დათუნაშვილი. ყველა მონაწ-
ილეს სიგელი გადაეცა, გამარჯვებულები ფასიანი
საჩუქრებით დაავიჯდნენ.

ქეთევან ხიდაშელი: – ეს ორგანიზაცია უკვე მეორე
გრანტით დაფინანსდა, ფონდ „ტასოს“ მხარდაჭერით
ვფიქრობთ, დეარგისტრირებული კიდევ, ისეთი ინტერესიანი
და შრომისმოყვარე ასალგაზრდები არიან. ამ პროექტით
კიდევ რამდენიმე საინტერესო ღონისძიება იგეგმება
სოფელში. გვინდა მადლობა გადავუხადოთ ოზურეთის
პოლიციის განყოფილებას, სამმართველოს უფროსის მოად-
გილეს გურამ ასათიანს მხარდაჭერისათვის აქ მონაწილე
რევით პოლიციელებს.

აღსანიშნავია, რომ აღნიშნული არასამთავრობო ორგა-
ნიზაციის ინიციატივითა და მხარდაჭერით არაერთი საინ-
ტერესო ღონისძიება გაიმართა, როგორც სოფელში, ისე
მუნიციპალიტეტში.